

ხელშეკრულება N14

ქ. თბილისი

14 თებერვალი 2023 წელი

ერთი მხრივ, შპს „მსა ფარმა“ (შემდგომში „გამყიდველი“), წარმოდგენილი მისი დირექტორის ვაჟა ოქრიაშვილის სახით და მეორე მხრივ, ააიპ „სკოლისგარეშე სასპორტო საგანმანათლებლო დაწესებულების ხაშურის კომპლექსური სასპორტო სკოლა“ (შემდგომში „მყიდველი“), წარმოდგენილი მისი დირექტორის ივანე ხარაზიშვილი (პ/ნ:57001020662) სახით, „გამყიდველი“, და „მყიდველი“ შემდგომი ერთად წოდებული როგორც „მხარეები“ და ცალ-ცალკე „მხარე“, მხარეთა ორმხრივი ნების თავისუფალი გამოვლენის საფუძველზე ვდებთ წინამდებარე ხელშეკრულებას (შემდგომში „ხელშეკრულება“) შემდეგზე:

პრეამბულა

მხარეები სრული პასუხისმგებლობით აცხადებენ, რომ მათ გააჩნიათ სრული სამართლებრივი უფლებამოსილება აღნიშნული ხელშეკრულების დასადგენად და მის შესასრულებლად, ისინი ერთმანეთის უფლებებს პატივისცემით ეპყრობიან და მოქმედებენ საქართველოს მოქმედი კანონმდებლობის სრული დაცვით.

1. ხელშეკრულების საგანი

- 1.1. გამყიდველი კისრულობს ვალდებულებას საკუთრებაში გადასცეს და მიაწოდოს მყიდველს ამ უკანასკნელის მიერ შეკვეთა-განაცხადის (შემდგომში „შეკვეთა-განაცხადი“) საფუძველზე მოთხოვნილი ის ფარმაცევტული პროდუქტი (სამკურნალო საშუალება) ან/და სხვა საქონელი (შემდგომში „საქონელი“), რომლის გამყიდველის მიერ მყიდველისათვის გადაცემა მოთხოვნის მომენტისათვის შესაძლებელია, ხოლო მყიდველი კისრულობს ვალდებულებას მიიღოს საქონელი და გადაუხადოს გამყიდველს მისი ღირებულება წინამდებარე ხელშეკრულებით დადგენილი წესითა და ოდენობით.
- 1.2. გამყიდველის მიერ მყიდველისათვის საკუთრებაში გადასაცემი საქონლის დასახელება და რაოდენობა დგინდება საქონლის ყოველი მიწოდების (გადაცემის) დროს შედგენილი სასაქონლო ზედნადებ(ებ)ის (შემდგომში „სასაქონლო ზედნადები“) საფუძველზე, რომელიც წარმოადგენს ხელშეკრულების განუყოფელ ნაწილს.
- 1.3. გამყიდველის მიერ მყიდველისათვის ხელშეკრულებით გათვალისწინებული საქონლის მიწოდება (გადაცემა) განხორციელდება გამყიდველის კუთვნილი N 37 შპს აფთიაქიდან, მდებარე მისამართზე: ქალაქი ხაშური, რუსთაველის ქუჩა № 31 (შემდგომში „მიწოდების ადგილი“);

2. საქონლის ღირებულება და მიწოდების პირობები

- 2.1. ამ ხელშეკრულების ფარგლებში გამყიდველის მიერ მყიდველისათვის საკუთრებაში გადასაცემი საქონლის ღირებულების ლიმიტი შეადგენს 800.00 (რვაასი) ლარს. CPV (33600000)
- 2.2. საქონლის ღირებულების დაანგარიშება ხორციელდება გამყიდველის მიერ მყიდველისათვის მიწოდების (გადაცემის) მომენტისათვის გამყიდველთან საქონელზე არსებული მიმდინარე სარეალიზაციო ფასების გათვალისწინებით.
- 2.3. მხარეთა შორის ანგარიშსწორება ხორციელდება ნაღდი ან/და უნაღდო ანგარიშსწორების ფორმით.
- 2.4. მყიდველი კისრულობს ვალდებულებას გადაუხადოს გამყიდველს საქონლის შეკვეთა-განაცხადით მოთხოვნილი საქონლის მიწოდებიდან (გადაცემიდან) არაუგვიანეს 15 (თხუთმეტი) სამუშაო ვადაში.
- 2.5. საქონლის ღირებულება განისაზღვრება ეროვნულ ვალუტაში.
- 2.6. საკუთრების უფლება საქონელზე და საქონლის შემთხვევითი დაღუპვის (მთლიანი ან ნაწილობრივ), გაფუჭების ან დაზიანების მასთან დაკავშირებული შესაძლო რისკები, გამყიდველიდან მყიდველზე გადადის გამყიდველის მიერ მყიდველისათვის საქონლის მიწოდების (გადაცემის) მომენტიდან.
- 2.7. გამყიდველის მიერ მყიდველისათვის საქონლის მიწოდების (გადაცემის) მომენტად ითვლება მყიდველისათვის საქონლის მიწოდების თარიღი, რაც დასტურდება მხარეთა შორის საქონლის მიწოდებაზე (გადაცემაზე) შედგენილი სასაქონლო ზედნადების გაფორმებით (ატვირთვით) ან/და მხარეთა მიერ შედგენილი მიღება-ჩაბარების აქტის შესაბამისად.

3. მხარეთა უფლება-მოვალეობანი

- 3.1. მყიდველის უფლება-მოვალეობები:
 - 3.1.1. მყიდველი ვალდებულია წინამდებარე ხელშეკრულების 2.4 პუნქტში მითითებულ ვადაში სრულად გადაუხადოს გამყიდველს მის მიერ შეკვეთა-განაცხადით მოთხოვნილი საქონლის ღირებულება;
 - 3.1.2. მყიდველი უფლებამოსილია მოსთხოვოს გამყიდველს მყიდველისათვის შეკვეთა-განაცხადით მოთხოვნილი საქონლის მიწოდება (გადაცემა) ხელშეკრულებით განსაზღვრული პირობების შესაბამისად;

3.1.3. მყიდველი უფლებამოსილია გამყიდველის თანდასწრებით, მიწოდების (გადაცემის) ადგილას შეამოწმოს საქონლის დასახელება, სახეობა, დოზირება, რაოდენობა, ვარგისიანობა და საქონლის ხარისხის შესაბამისობა ხელშეკრულების პირობებთან. მყიდველის მიერ გამყიდველისაგან საქონლის მიღების შემთხვევაში იგულისხმება, რომ მიღებული საქონელი უნაკლოა და მყიდველს გამყიდველის მიმართ პრეტენზია არ გააჩნია.

3.2. გამყიდველის უფლება-მოვალეობები:

- 3.2.1.** გამყიდველი ვალდებულია საკუთრებაში გადასცეს მყიდველს საქონელი მყიდველის მიერ წარმოდგენილი შეკვეთა-განაცხადით მოთხოვნილი საქონლის დასახელების, სახეობის, დოზირებისა და რაოდენობის ზუსტი გათვალისწინებით;
- 3.2.2.** მყიდველის მხრიდან მოთხოვნის შემთხვევაში გამყიდველი ვალდებულია წარუდგინოს მყიდველს საქონლის ხარისხის სერთიფიკატი ან/და რეგისტრაციის მოწმობა (მათი არსებობის შემთხვევაში);
- 3.2.3.** გამყიდველი ვალდებულია ყოველ კონკრეტულ შემთხვევაში საქონლის მიწოდებასთან ერთად უზრუნველყოს მყიდველი შესაბამისი სასაქონლო ზედნადებით, რომელიც გადაეცემა მყიდველს;

4. მხარეთა პასუხისმგებლობა

- 4.1.** მხარეები კისრულობენ ვალდებულებას აუნაზღაურონ მეორე მხარეს მათ მიერ ხელშეკრულების შეუსრულებლობით ან არაჯეროვანი შესრულებით მიყენებული ზიანი.
- 4.2.** გამყიდველს არ ეკისრება პასუხისმგებლობა საქონლის მიწოდების ვადების დარღვევისათვის ან/და საქონლის მიწოდების ვალდებულების შეუსრულებლობისათვის, თუ გამყიდველის მიერ მყიდველის შეკვეთა-განაცხადის მიღების მომენტიდან გამყიდველს არ გააჩნია მოთხოვნილი საქონელი, საქონლის მოთხოვნილი რაოდენობა ან/და მყიდველს გამყიდველისათვის არ აქვს გადახდილი მისაწოდებელი საქონლის ღირებულება.

5. ფორს-მაჟორული გარემოებები

- 5.1.** არც ერთ მხარეს არ დაეკისრება პასუხისმგებლობა ხელშეკრულებით ნაკისრი ვალდებულებების მთლიანი ან ნაწილობრივი დარღვევისათვის, თუ აღნიშნული გამოწვეული იქნება ფორს-მაჟორული (დაუძლეველი ძალის გარემოებების გამო) გარემოებების გამო. ფორს-მაჟორულ გარემოებებად (დაუძლეველი ძალის გარემოებებად) ამ ხელშეკრულების მიზნებისათვის მიიჩნევა ხელშეკრულების დადების შემდეგ წარმოშობილი მხარეებისათვის გადაულახავი, წინასწარ გაუთვალისწინებელი და მათი კონტროლისაგან დამოუკიდებელი ისეთი გარემოებები როგორიცაა: მიწისძვრა, წყალდიდობა, ხანძარი, სტიქიური უბედურებანი, ომი და საომარი მოქმედებანი, სოციალური გარემოებანი, ხელისუფლების მიერ მიღებული ამკრძალავი ნორმები და სხვა მსგავსი გარემოებანი.
- 5.2.** მხარე, რომლისთვისაც 5.1. მუხლში აღნიშნული მიზეზების გამო შეუძლებელი შეიქმნა ხელშეკრულებით დაკისრებული ვალდებულებების შესრულება, ვალდებულია მისი დადგომისა და დამთავრების მომენტიდან არაუგვიანეს 5 დღისა წერილობით აცნობოს აღნიშნულის შესახებ მეორე მხარეს. მხარეების მიერ ხელშეკრულებით ნაკისრი ვალდებულებების შესრულება გადაიდება ფორს-მაჟორული გარემოებების ლიკვიდაციამდე.

6. დავის გადაწყვეტა

- 6.1.** მხარეთა შორის წარმოშობილი ნებისმიერი დავა და უთანხმოება წყდება მოლაპარაკების გზით. შეთანხმების მიუღწევლობის შემთხვევაში ხელშეკრულებასთან დაკავშირებულ ნებისმიერ დავას განიხილავს სასამართლო საქართველოს კანონმდებლობის შესაბამისად.
- 6.2.** პირველი ინსტანციის სასამართლოს მიერ მიღებული გადაწყვეტილება უნდა მიექცეს დაუყოვნებლივ აღსასრულებლად საქართველოს სამოქალაქო საპროცესო კოდექსის 268 - ე მუხლის 1¹ ნაწილის შესაბამისად.

7. ხელშეკრულების მოქმედების ვადა

- 7.1.** ხელშეკრულება ძალაში შედის მხარეთა მიერ ხელისმოწერის დღიდან და მოქმედებს 2023 წლის 31 დეკემბრის ჩათვლით.
- 7.2.** გამყიდველი უფლებამოსილია ცალმხრივად შეწყვიტოს ხელშეკრულება, მყიდველის მიერ ხელშეკრულების შეწყვეტის შესახებ გამყიდველის წერილობითი ფორმის შეტყობინების მიღებიდან მომდევნო 30 (ოცდაათი) კალენდარული დღის შემდეგ.

8. სხვა პირობები

- 8.1. მხარეები აცხადებენ, რომ მოქმედებენ „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის საფუძველზე და თანხმდებიან, რომ წინამდებარე ხელშეკრულებას, როგორც ელექტრონულ დოკუმენტს და მასზე დასმულ ელექტრონულ შტამპს წინამდებარე ხელშეკრულების მიზნებისათვის გააჩნია მატერიალური დოკუმენტისა და მხარეთა უფლებამოსილი წარმომადგენლების პირადი ხელმოწერის თანაბარი იურიდიული ძალა.
- 8.2. ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმით შედგება და ხელმოწერილი იქნება ხელშეკრულების ორივე მხარის უფლებამოსილის პირის მიერ.
- 8.3. ხელშეკრულების ძალაში შესვლის მომენტიდან შეწყდეს სხვა ნებისმიერი მსგავსი ტიპის ხელშეკრულება, რომელიც არეგულირებს ხელშეკრულების 1.1 პუნქტით გათვალისწინებულ ურთიერთობას/გააჩნია ანალოგიური ხელშეკრულების საგანი, რაც გათვალისწინებულია ხელშეკრულების 1.1 პუნქტით.
- 8.4. ხელშეკრულების ნებისმიერი დანართი, რომელიც სათანადო წესით ხელმოწერილია მხარეთა უფლებამოსილი პირების მიერ წარმოადგენს ხელშეკრულების განუყოფელ ნაწილს.
- 8.5. მხარეთა შორის ანგარიშსწორება და ნებისმიერი შეტყობინების გაგზავნა მოხდება ამ ხელშეკრულების მე-9 მუხლში აღნიშნულ რეკვიზიტებზე. რეკვიზიტების შეცვლის შემთხვევაში მხარეებმა ამის შესახებ დაუყოვნებლივ წერილობით უნდა აცნობონ ერთმანეთს.
- 8.6. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები მეორე მხარის წერილობითი თანხმობის გარეშე.
- 8.7. ხელშეკრულება შედგენილია ქართულ ენაზე, თანაბარი იურიდიული ძალის მქონე ორ ეგზემპლარად, რომელთაგან ერთი ეგზემპლარი გადაეცემა გამყიდველს და ერთი - მყიდველს.

9. მხარეთა რეკვიზიტები

გამყიდველი	მყიდველი
შპს „პსპ ფარმა“ ს/კ: 202203123 იურიდიული მისამართი: საქართველო, დმანისი, იაკობ ცურტაველის ქ. N 54 ფაქტობრივი მისამართი: საქართველო, ქ.თბილისი, 0112, დ.აღმაშენებლის გამზ. 148/3 <u>საბანკო რეკვიზიტები:</u> ბანკის დასახელება: სს „თიბისი ბანკი“ ბანკის კოდი: TBCBGE22 IBAN: GE26TB0677136020100007	ააიპ „სკოლისგარეშე სასპორტო საგანმანათლებლო დაწესებულების ხაშურის კომპლექსური სასპორტო სკოლა“ ს/კ: 243916143 იურიდიული მისამართი: საქართველო, ხაშური, იმერეთის ქ. <u>საბანკო რეკვიზიტები:</u> ბანკი TRESGE22 ანგარიშსწორების ანგარიში 749457630
დირექტორი: ვაჟა ოქრიაშვილი	დირექტორი: ივანე ხარაზიშვილი
_____	_____